

小山小令

小

山

小

山

張小山小令

慶元張可久著

章丘李開先編

南呂

一枝花梁州帶尾

湖上晚歸

長天落綵霞遠水涵秋鏡花如人面紅山似佛
頭青生色圍屏翠冷松雲徑嫣然眉黛橫但攜
將旖旎濃香何必賦橫斜瘦影 挽玉手畱連

錦英據胡床指點銀瓶素娥不嫁傷孤另想當年小小問何處卿卿東坡才調西子娉婷總相宜千古畱名吾二人此地私行六一泉亭上詩成三五夜花前月明十四弦指下風生可憎有情捧紅牙合和伊川令萬籟寂四山靜幽咽泉流水下聲鶴怨猿驚巖阿蟾窟鳴金磬波底龍宮漾水精夜氣清酒力醒寶篆銷玉漏鳴笑歸來彷彿二更煞強似踏雪尋梅灞橋冷

罵玉郎帶感皇恩採茶歌

爲貫酸齋解嘲

君王曾賜瓊林宴三斗始朝天文章懶入編脩
院紅錦箋白苧篇黃柑傳學會神仙參透詩
禪厭塵囂絕名利逸林泉天台洞口地肺山前
學煉丹同貨墨共談玄興飄然酒家眠洞花
溪鳥結姻緣被我瞞他四十年海天秋月一般
圓

揚駒兒墓園

五
卷一
二
莓苔生滿蒼苔徑人去小紅亭題情猶是酸齋
贈我把那詩韻賡書畫評闌干凭 茶竈塵凝
墨水冰生掩幽局懸瘦影伴孤燈琴已亡伯牙
酒不到劉伶策短藤乘暮景放吟情 寫新聲
寄春鶯明年來此賞清明窗掩梨花庭院靜小
樓風雨共誰聽

四塊玉

秋望

菊又開人何往夜靜孤眠北窗涼月明閒上南樓望天一方雁幾雙書半行

胡使君席上

舞態輕歌喉穩十里香塵柳邊春一聲金縷樽前韻斂繡巾整翠雲點絳脣

春愁

曉夢驚殘妝粉一點芳心怨王孫十年不寄平

安信綠水濱
碧草春紅杏村

傷春

楊柳陰鞦韆影恨殺啼鵲斷腸聲越添怨女傷
春病倚繡屏搗錦箏調玉笙

宮中秋日

環佩輕蓬萊淺桂子香清小壺天芙蓉露冷披
香殿花可憐月又圓人未眠

史氏池亭

宿酒醒良宵永風細荷香夢魂清月明梧葉闌

千靜玉管笙粉面箏金字經

東浙舊遊

鏡水邊巾山頂兩袖松風羽衣輕一奩梅月冰
壺淨鵲尾爐鳳嘴瓶雁足燈

張公曰

卷一

四

閱金經

秋望

白髮三千丈畫樓十二闌
鷗鷺翩翩逐往還
山淡雲秋樹間
蘆花岸釣船沙上灘

湖上仙遊

竹枕蘆花被草衣
荷葉巾一棹烟波湖上春
眞神仙身外身
蓬萊近紫簫吹鳳雲

湖堤春日

院宇綠楊樹酒旗紅杏村
一片棠梨蘇小墳春

水邊多麗人鶯花陣玉驄嘶錦雲

夏宴

玉手銀絲鱸翠裙金縷紗席上相逢可喜煞插
一枝茉莉花題詩罷醉眠沽酒家

山行

萬里封侯貴一場春夢中破帽青鞋策短筇逢
南山採藥翁桃花洞白雲千萬重

訪道士

細草眠白兔小花啼翠禽且聽松風坐綠陰尋

洞天深又深遊仙枕頓消名利心

青霞洞

酒後詩情放水邊歸路差何處青霞仙子家沙
翠苔橫古槎竹陰下小魚爭柳花

環綠亭

水冷溪魚貴酒香霜鱉肥環綠亭深掩翠微梅
落花浮玉杯山翁醉笑隨明月歸

開元道院

翠掩仙雲暗素琴冰澗長晝永人間白玉堂嘗

煮茶春水香元泉上鶴飛松露涼

胡琴

雨漱窗前竹澗流水上泉一線清風動二絃聯
小山秋水篇昭君怨塞雲黃暮天

題扇

玉手銀箏柱翠濤金屈卮正是魚肥蟹健時詩
醉題秋扇兒黃華字亂風搖柳絲

睡起

翠被夢中夢雁書來處來秋水芙蓉花又開猜

瘦雲惚玉釵人何在月明閒鳳臺

春懷

瘦影孤鸞鑑怨聲阿鵲簷病起離人愁轉添嫌
燕歸雙入簾朱門掩夜香不喜拈

石門洞天

錦樹開岡障翠峯堆髻鬟屋老蒼雲暗紫壇閒
玉龍耕破山白石爛半巖秋雨寒

仙居

白日孤峯上紫雲雙澗邊飢有松花渴有泉仙

張少山先生集 卷下 七
抱琴巖下眠蟠桃宴鶴來騎上天

梅邊

雪冷松邊路月寒湖上村縹緲梨花入夢雲巡
小簷芳樹春江梅信翠禽啼向人

稽山春晚

若耶溪邊路四山環翠微春去人間總不知鶯
亂啼滿川煙樹迷先生醉葛洪丹井西

醒吟齋

老翁獨醒處伴雲高臥齋雨過松根長嫩苔栽

菊花依舊開青山怪白頭歸去來

偕王公實尋梅

浩然英雄氣塞乎天地閒破帽西風雪滿山頑
探梅千百番家童懶灞橋驢背寒

秋望二曲

楊柳沙頭樹琵琶江上舟鴈去衡陽水自流愁
玉人休倚樓黃花瘦曉霜紅葉秋

信遠江南鴈望窮雲外山羅帕香殘粉淚乾閑
倚遍十二闌黃花慢桂香秋雨寒